سورة الكهف - Surah Al-Kahfi

بِسُمِ ٱللَّهِ ٱلرَّحْمَنِ ٱلرَّحِيمِ

Dengan nama Allah, Yang Maha Pemurah, lagi Maha Mengasihani.

ٱلْحَـمُدُ لِلَّهِ ٱلَّذِي أَنزَلَ عَلَىٰ عَبُدِهِ ٱلْكِتنبَ وَلَمُ يَجُعَل لَّهُ

عِوَجَـا ّ 🕲

Segala puji tertentu bagi Allah yang telah menurunkan kepada hambaNya (Muhammad), Kitab suci Al-Quran, dan tidak menjadikan padanya sesuatu yang bengkok (terpesong):

قَيِّمًا لِّيُنذِرَ بَأَسًا شَدِيدًا مِّن لَّدُنَّهُ وَيُبَشِّرَ ٱلْمُؤْمِنِينَ ٱلَّذِينَ يَعُمَلُونَ

ٱلصَّدلِحَدتِ أَنَّ لَهُمُ أَجُرًا حَسَنًا ۞

(Bahkan keadaannya) tetap benar lagi menjadi pengawas turunnya Al-Quran untuk memberi amaran (kepada orang-orang yang ingkar) dengan azab yang seberat-beratnya dari sisi Allah, dan memberi berita gembira kepada orang-orang yang beriman yang mengerjakan amal-amal soleh, bahawa mereka akan beroleh balasan yang baik.

مَّ كِثِينَ فِيهِ أَبَدًا ٣

Mereka tinggal tetap dalam (balasan yang baik) itu selama-lamanya.

وَيُنذِرَ ٱلَّذِينَ قَالُواْ ٱتَّخَذَ ٱللَّهُ وَلَدًا ٢

Dan juga Al-Quran itu memberi amaran kepada orang-orang yang berkata: Allah mempunyai anak".

مَّا لَهُم بِهِ ، مِنْ عِلْمٍ وَلَا لِأَبَآبِهِمْ كَبُرَتُ كَلِمَةً تَخُرُ جُمِنُ أَفُو هِهِمُّ إِن

يَقُولُونَ إِلَّا كَذِبًا ۞

(Sebenarnya) mereka tiada mempunyai sebarang pengetahuan mengenainya, dan tiada juga bagi datuk nenek mereka; besar sungguh perkataan syirik yang keluar dari mulut mereka; mereka hanya mengatakan perkara yang dusta.

فَلَعَلَّكَ بَنْ خِنْ عُلَمْ عَلَى عَلَى ءَاثَن رِهِمُ إِن لَّمُ يُؤُمِنُواْ بِهَنذَا ٱلْحَدِيثِ



Maka jangan-jangan pula engkau (wahai Muhammad), membinasakan dirimu disebabkan menanggung dukacita terhadap kesan-kesan perbuatan buruk mereka, jika mereka enggan beriman kepada keterangan Al-Quran ini.

Sesungguhnya Kami telah jadikan apa yang ada di muka bumi sebagai perhiasan baginya, kerana kami hendak menguji mereka, siapakah di antaranya yang lebih baik amalnya.

Dan sesungguhnya Kami akan jadikan apa yang ada di bumi itu (punah-ranah) sebagai tanah yang tandus.

Adakah engkau menyangka (wahai Muhammad), bahawa kisah "Ashaabul Kahfi" dan "Ar-Raqiim" itu sahaja yang menakjubkan di antara tanda-tanda yang membuktikan kekuasaan Kami?

(Ingatkanlah peristiwa) ketika serombongan orang-orang muda pergi ke gua, lalu mereka berdoa: "Wahai Tuhan kami! Kurniakanlah kami rahmat dari sisiMu, dan berilah kemudahan-kemudahan serta pimpinan kepada kami untuk keselamatan agama kami".

Lalu Kami tidurkan mereka dengan nyenyaknya dalam gua itu, bertahun-tahun, yang banyak bilangannya.



Kemudian Kami bangkitkan mereka (dari tidurnya), untuk Kami menguji siapakah

dari dua golongan di antara mereka yang lebih tepat kiraannya, tentang lamanya mereka hidup (dalam gua itu).

نَّحُن نَقُصُّ عَلَينك نَبَأَهُم بِٱلْحَقِّ إِنَّهُم فِتُيَةً ءَامَنُواْ بِرَبِّهِمُ

وَزِدُنَنهُ مُ هُـدًى 🐨

Kami ceritakan kepadamu (wahai Muhammad) perihal mereka dengan benar; sesungguhnya mereka itu orang-orang muda yang beriman kepada Tuhan mereka, dan kami tambahi mereka dengan hidayah petunjuk.

وَرَبَطُنَا عَلَا مَلَا قُلُو بِهِمُ إِذْ قَامُواْ فَقَالُواْ رَبُّنَا رَبُّ الرَبُّ الْرَبُّ الْرَبُّ الْرَبُّ ٱلسَّمَوَ اللَّارَضِ لَن نَّدُعُواْ مِن دُونِهِ إِلَاهًا لَّقَدُ قُلْنَا

إِذَا شَـطَطًا 🌚

Dan Kami kuatkan hati mereka (dengan kesabaran dan keberanian), semasa mereka bangun (menegaskan tauhid) lalu berkata: "Tuhan kami ialah Tuhan yang mencipta dan mentadbirkan langit dan bumi; kami tidak sekali-kali akan menyembah Tuhan yang lain dari padanya; jika kami menyembah yang lainnya bermakna kami memperkatakan dan mengakui sesuatu yang jauh dari kebenaran."

هَنَوُّلَآء قَوْمُنَا ٱتَّخَذُواْ مِن دُونِهِ ٤ ءَالِهَة ۖ لَّولَا يَأْتُونَ عَلَيْهِم بِسُلُطَننِ

بَيِّنٍّ فَمَن أَظُلَمُ مِمَّنِ ٱفُتَرَىٰ عَلَى ٱللَّهِ كَذِبًا ١

(Mereka berkata pula sesama sendiri): "Kaum kita itu, menyembah beberapa tuhan yang lain dari Allah; sepatutnya mereka mengemukakan keterangan yang nyata yang membuktikan ketuhanan makhluk-makhluk yang mereka sembah itu? (Tetapi mereka tidak dapat berbuat demikian); Maka tidak ada yang lebih zalim dari orang-orang yang berdusta terhadap Allah.

وَإِذِ ٱعُـتَزَلَٰتُمُوهُمُ وَمَا يَعۡبُدُونَ إِلَّا ٱللَّهَ فَأُوۡثَاۚ إِلَى ٱلۡكَهُفِ يَنشُرُ لَكُمُ رَبُّكُم مِّن رَّحُمَتِهِۦ وَيُهَيِّئُ لَكُم مِّنُ أَمۡرِ كُم مِّرُ فَقًا ۞

Dan oleh kerana kamu telah mengasingkan diri dari mereka dan dari apa yang mereka sembah yang lain dari Allah, maka pergilah kamu berlindung di gua itu, supaya Tuhan kamu melimpahkan dari rahmatnya kepada kamu, dan menyediakan kemudahan-kemudahan untuk (menjayakan) urusan kamu dengan memberikan bantuan yang berguna".

﴿ وَتَرَى ٱلشَّمُسَ إِذَا طَلَعَت تَّزَ وَرُ عَن كَهُفِهِمُ ذَاتَ ٱلْيَمِينِ وَإِذَا غَرَبَت تَّقُرِ ضُهُمُ ذَاتَ ٱلشِّمَالِ وَهُمُ فِي فَجُوةٍ مِّنُهُ ذَلِكَ مِنْ ءَايَىتِ ٱللَّهِ مَن يَهُدِ ٱللَّهُ فَهُوَ ٱلْمُهُتَدِّ وَمَن يُضْلِلُ فَلَن تَجِدَ لَهُ وَلِيَّا مُّرُشِدًا

Dan engkau akan melihat matahari ketika terbit, cenderung ke kanan dari gua mereka; dan apabila ia terbenam, meninggalkan mereka ke arah kiri, sedang mereka berada dalam satu lapangan gua itu. Yang demikian ialah dari tandatanda (yang membuktikan kekuasaan) Allah. Sesiapa yang diberi hidayah petunjuk oleh Allah, maka dia lah yang berjaya mencapai kebahagiaan; dan sesiapa yang disesatkanNya maka engkau tidak sekali-kali akan beroleh sebarang penolong yang dapat menunjukkan (jalan yang benar) kepadanya.

وَتَحُسَّبُهُمُ أَيُقَاظًا وَهُمُ رُقُودُ أَونُقَلِّبُهُ مُ ذَاتَ ٱلْيَمِينِ وَذَاتَ ٱلشِّمَالُّ وَكَلْبُهُمُ ذَاتَ ٱلْيَمِينِ وَذَاتَ ٱلشِّمَالُّ وَكَلْبُهُم بَنسِطُّ ذِرَاعَيْهِ بِٱلْوَصِيدِ لَوِ ٱطَّلَعْتَ عَلَيْهِمُ لَوَلَّيْتَ مِنْهُمُ فِرَارًا وَلَيْتَ مِنْهُمُ فِرَارًا وَلَمُلِئْتَ مِنْهُمُ رُعُبًا

Dan engkau sangka mereka sedar, padahal mereka tidur; dan Kami balik-balikkan mereka dalam tidurnya ke sebelah kanan dan ke sebelah kiri; sedang anjing mereka menghulurkan dua kaki depannya dekat pintu gua; jika engkau melihat mereka, tentulah engkau akan berpaling melarikan diri dari mereka, dan tentulah engkau akan merasa sepenuh-penuh gerun takut kepada mereka.

وَكَذَ اللَّ بَعَثُنَنهُمُ لِيَتَسَآءَلُواْ بَيُنَهُمُ قَالَ قَآبِلٌ مِّنَهُمُ كَمُ لَبِثُتُمُ قَالُواْ لَبِثُنَا
يَوُمًا أَوْ بَعُضَ يَـوُمٍ قَالُواْ رَبُّكُمُ أَعُلَـمُ بِمَا لَبِثُتُمُ فَٱبْعَثُوٓاْ أَحَدَكُم
بِـوَرِقِكُمُ هَـــذِهِ ۚ إِلَـى ٱلْمَدِينَ قَلْيَنظُـرُ أَيُّهَاۤ أَزْكَىٰ طَعَامًا فَلْيَأْتِكُم

بِرِزْقٍ مِّنَّهُ وَلُيَتَلَطَّفُ وَلَا يُشْعِرَنَّ بِكُمَّ أَحَدًا

Dan demikianlah pula Kami bangkitkan mereka (dari tidurnya), supaya mereka bertanya-tanyaan sesama sendiri. Salah seorang di antaranya bertanya: "Berapa lama kamu tidur?" (sebahagian dari) mereka menjawab: "Kita telah tidur selama sehari atau sebahagian dari sehari". (Sebahagian lagi dari) mereka berkata: "Tuhan kamu lebih menengetahui tentang lamanya kamu tidur; sekarang utuslah salah seorang dari kamu, membawa wang perak kamu ini ke bandar; kemudian biarlah dia mencari dan memilih mana-mana jenis makanan yang lebih baik lagi halal (yang dijual di situ); kemudian hendaklah ia membawa untuk kamu sedikit habuan daripadanya; dan hendaklah ia berlemah-lembut dengan bersungguhsungguh (semasa di bandar); dan janganlah dia melakukan sesuatu yang menyebabkan sesiapapun menyedari akan hal kamu.

"Sesungguhnya, kalaulah mereka mengetahui hal kamu, tentulah mereka akan merejam dengan membunuh kamu, atau mereka akan mengembalikan kamu kepada agama mereka (secara paksa); dan jika berlaku demikian, kamu tidak sekali-kali akan berjaya selama-lamanya".

Dan demikianlah Kami dedahkan hal mereka kepada orang ramai supaya orangorang itu mengetahui bahawa janji Allah menghidupkan semula orang mati adalah benar, dan bahawa hari kiamat itu tidak ada sebarang syak padanya; pendedahan itu berlaku semasa orang-orang itu berbantahan sesama sendiri mengenai perkara hidupnya semula orang mati. Setelah itu maka (sebahagian dari) mereka berkata: "Dirikanlah sebuah bangunan di sisi gua mereka, Allah jualah yang mengetahui akan hal ehwal mereka". orang-orang yang berkuasa atas urusan mereka (pihak raja) pula berkata: "Sebenarnya kami hendak membina sebuah masjid di sisi gua mereka". سَيَقُولُونَ ثَلَنثَةٌ رَّابِعُهُمُ كَلَبُهُمُ وَيَقُولُونَ خَمُسَةٌ سَادِسُهُمُ كَلُبُهُمُ رَجُمَّا بِٱلْغَيْبِ وَيَقُولُونَ سَبُعَةٌ وَثَامِنُهُمْ كَلَبُهُمْ قُل رَّبِّى أَعْلَمُ بِعِدَّتِهِم مَّا يَعُلَمُهُمْ إِلَّا قَلِيلٌ فَلَا تُمَارِ فِيهِمُ إِلَّا مِرَآءً ظَنهِرًا وَلَا تَستَفْتِ فِيهِم مِّنْهُمُ



(Sebahagian dari) mereka akan berkata: "Bilangan Ashaabul Kahfi itu tiga orang, yang keempatnya ialah anjing mereka "; dan setengahnya pula berkata: "Bilangan mereka lima orang, yang keenamnya ialah anjing mereka" - secara meraba-raba dalam gelap akan sesuatu yang tidak diketahui; dan setengahnya yang lain berkata: "Bilangan mereka tujuh orang, dan yang kedelapannya ialah anjing mereka". Katakanlah (wahai Muhammad): "Tuhanku lebih mengetahui akan bilangan mereka, tiada yang mengetahui bilangannya melainkan sedikit". Oleh itu, janganlah engkau berbahas dengan sesiapapun mengenai mereka melainkan dengan bahasan (secara sederhana) yang nyata (keterangannya di dalam Al-Quran), dan janganlah engkau meminta penjelasan mengenai hal mereka kepada seseorangpun dari golongan (yang membincangkannya).

Dan janganlah engkau berkata mengenai sesuatu (yang hendak dikerjakan):
"Bahawa aku akan lakukan yang demikian itu, kemudian nanti".

Melainkan (hendaklah disertakan dengan berkata): "Insya Allah". Dan ingatlah serta sebutlah akan Tuhanmu jika engkau lupa; dan katakanlah: "Mudahmudahan Tuhanku memimpinku ke jalan petunjuk yang lebih dekat dan lebih terang dari ini".

Dan mereka telah tinggal tidur dalam gua mereka: Tiga ratus tahun dengan kiraan Ahli Kitab), dan sembilan lagi (dengan kiraan kamu).

قُلِ ٱللَّهُ أَعُلَمُ بِمَا لَبِثُواۚ لَهُ عَيْبُ ٱلسَّمَنوَتِ وَٱلْأَرَضِّ أَبُصِرُ بِهِ وَأَسُمِعُ مَا لَهُم مِّن دُونِهِ عِن وَلِيِّ وَلَا يُشُركُ فِي حُكُمِهِ ۦٓ أَحَدًا ۞

Katakanlah (wahai Muhammad): "Allah jua yang mengetahui tentang masa mereka tidur; bagiNya lah tertentu ilmu pengetahuan segala rahsia langit dan bumi; terang sungguh penglihatanNya (terhadap segala-galanya)! Tidak ada bagi penduduk langit dan bumi pengurus selain daripadaNya dan la tidak menjadikan sesiapapun masuk campur dalam hukumNya.

وَٱتُـلُ مَـآ أُوحِىَ إِلَيُكَ مِن كِتَابِ رَبِّكَ لَا مُبَدِّلَ لِكَلِمَنتِهِ - وَلَن تَجِدَ مِن دُونِهِ - مُلْتَحَـدًا

Dan baca serta turutlah apa yang diwahyukan kepadamu dari kitab Tuhanmu; tiada sesiapa yang dapat mengubah kalimah-kalimahNya; dan engkau tidak sekali-kali akan mendapat tempat perlindungan selain daripadaNya.

وَٱصُـبِرُ نَفُسَـكَ مَـعَ ٱلَّـذِينَ يَدُعُـونَ رَبَّهُـم بِـٱلْغَدَوٰةِ وَٱلْعَشِـيِّ يُرِيـدُ رِينَـةَ ٱلْحَـيَوٰةِ يُرِيـدُ رِينَـةَ ٱلْحَـيَوٰةِ يُرِيـدُ وَ وَكَانَ أَمُرُهُ وَ اللهُّنُيَا ۖ وَلَا تُطِعُ مَنُ أَغُفَلُنَا قَلْبَهُ و عَن ذِكْرِنَا وَٱتَّبَعَ هَوَنهُ وَكَانَ أَمُرُهُ وَ الدُّنْيَا ۗ وَلَا تُطِعُ مَنُ أَغُفَلُنَا قَلْبَهُ و عَن ذِكْرِنَا وَٱتَّبَعَ هَوَنهُ وَكَانَ أَمُرُهُ و



Dan jadikanlah dirimu sentiasa berdamping rapat dengan orang-orang yang beribadat kepada Tuhan mereka pada waktu pagi dan petang, yang mengharapkan keredaan Allah semata-mata; dan janganlah engkau memalingkan pandanganmu daripada mereka hanya kerana engkau mahukan kesenangan hidup di dunia; dan janganlah engkau mematuhi orang yang Kami ketahui hatinya lalai daripada mengingati dan mematuhi pengajaran Kami di dalam Al-Quran, serta ia menurut hawa nafsunya, dan tingkah-lakunya pula adalah melampaui kebenaran.

وَقُلِ ٱلْحَقُّ مِن رَّبِّكُمُّ فَمَن شَآءَ فَلَيُؤُمِن وَمَن شَآءَ فَلَيَكُفُر ۚ إِنَّآ أَعُتَدُنَا لِلظَّلِمِينَ نَارًا أَحَاطَ بِهِمُ سُرَادِقُهَا ۚ وَإِن يَسْتَغِيثُواْ يُغَاثُواْ بِمَآءٍ كَٱلْمُهُلِ يَشُوى ٱلُوجُوةَ بِئُسَ ٱلشَّرَابُ وَسَآءَتُ مُرُتَفَقًا ۞

Dan katakanlah (wahai Muhammad): "Kebenaran itu ialah yang datang dari Tuhan kamu, maka sesiapa yang mahu beriman, hendaklah ia beriman; dan sesiapa yang mahu kufur ingkar, biarlah dia mengingkarinya". Kerana Kami telah menyediakan bagi orang-orang yang berlaku zalim itu api neraka, yang meliputi mereka laksana khemah; dan jika mereka meminta pertolongan kerana dahaga, mereka diberi pertolongan dengan air yang seperti tembaga cair yang membakar muka; amatlah buruknya minuman itu, dan amatlah buruknya neraka sebagai tempat bersenang-senang.

إِنَّ ٱلَّـــذِينَ ءَامَنُــواْ وَعَمِلُــواْ ٱلصَّلِحَـــتِ إِنَّــا لَا نُضِيـــعُ أَجُــرَ مَــنُ أَحُسَـنَ عَـمَلًا ۞

Sebenarnya orang-orang yang beriman dan beramal soleh sudah tetap Kami tidak akan menghilangkan pahala orang-orang yang berusaha memperbaiki amalnya.

أُوْلَنَبِكَ لَهُمْ جَنَّنتُ عَدُنِ تَجُرِى مِن تَحُتِهِمُ ٱلْأَنَهَ رُ يُحَلَّوُنَ فِيهَا مِنْ أَسَاوِرَ مِن ذَهَبٍ وَيَلْبَسُونَ ثِيَابًا خُضُرًا مِّن سُندُسٍ وَإِسُتَبُرَقٍ مِنْ أَسَاوِرَ مِن ذَهَبٍ وَيَلْبَسُونَ ثِيَابًا خُضُرًا مِّن سُندُسٍ وَإِسُتَبُرَقٍ مُنْ أَسَاوِرَ مِن ذَهَبٍ وَيَلْبَسُونَ ثِيَابًا خُضُرًا مِّن سُندُسٍ وَإِسُتَبُرَقٍ مُنْ اللَّهَ وَابُ وَحَسُنَتُ مُرُتَفَقًا شَ

Mereka itu, disediakan baginya syurga yang kekal, yang mengalir di bawahnya beberapa sungai; mereka dihiaskan di dalamnya dengan gelang-gelang tangan emas, dan memakai pakaian hijau dari sutera yang nipis dan sutera tebal yang bersulam; mereka berehat di dalamnya dengan berbaring di atas pelamin-pelamin (yang berhias). Demikian itulah balasan yang sebaik-baiknya dan demikian itulah Syurga tempat berehat yang semolek-moleknya.

﴿ وَٱضُرِبُ لَهُ م مَّ ثَلًا رَّجُ لَيُنِ جَعَلُنَا لِأَحَدِهِمَا جَنَّتَيُنِ مِنُ أَعُنَىبٍ
 وَحَفَفُنَنهُمَا بِنَخُلِ وَجَعَلُنَا بَيُنَهُمَا زَرُعًا


Dan berikanlah kepada mereka satu contoh: Dua orang lelaki, Kami adakan bagi salah seorang di antaranya, dua buah kebun anggur; dan Kami kelilingi kebun-kebun itu dengan pohon-pohon tamar, serta Kami jadikan di antara keduanya, jenis-jenis tanaman yang lain.

كِلْتَا ٱلْجَنَّتَيْنِ ءَاتَتُ أُكُلَهَا وَلَمُ تَظُلِم مِّنْهُ شَيُّا ۚ وَفَجَّرُنَا خِلَالَهُمَا نَهَرًا



Kedua-dua kebun itu mengeluarkan hasilnya, dan tiada mengurangi sedikitpun dari hasil itu; dan kami juga mengalirkan di antara keduanya sebatang sungai.

وَكَانَ لَـهُ و ثَمَـرٌ فَقَالَ لِصَحِبِهِ - وَهُـوَ يُحَاوِرُهُ وَ أَنَا أَكُثَرُ



Tuan kebun itu pula ada mempunyai harta (yang lain); lalu berkatalah ia kepada rakannya, semasa ia berbincang dengannya: "Aku lebih banyak harta daripadamu, dan lebih berpengaruh dengan pengikut-pengikutku yang ramai".

وَدَخَالَ جَنَّتَهُ و وَهُو ظَالِمُ لِنَفُسِهِ عَالَ مَا أَظُنُّ أَن تَبِيدَ



Dan ia pun masuk ke kebunnya (bersama-sama rakannya), sedang ia berlaku zalim kepada dirinya sendiri (dengan sebab kufurnya), sambil ia berkata: "Aku tidak fikir, kebun ini akan binasa selama-lamanya.

وَمَا أَظُنُّ ٱلسَّاعَةَ قَآبِمَةً وَلَيِن رُّدِدتُّ إِلَىٰ رَبِّى لَأَجِدَنَّ خَيْرًا مِّنْهَا مُنقَلَبًا



Dan aku tidak fikir, hari kiamat kan berlaku; dan kalaulah aku dikembalikan kepada Tuhanku (sebagaimana kepercayaanmu), tentulah aku akan mendapat tempat kembali yang lebih baik daripada ini.

قَالَ لَهُ و صَاحِبُهُ و وَهُ وَ يُحَاوِرُهُ وَ أَكَفَرُتَ بِٱلَّذِي خَلَقَكَ مِن تُرَابٍ



berkatalah rakannya kepadanya, semasa ia berbincang dengannya: "Patutkah engkau kufur ingkar kepada Allah yang menciptakan engkau dari tanah, ke-

mudian dari air benih, kemudian la membentukmu dengan sempurna sebagai seorang lelaki?

Tetapi aku sendiri percaya dan yakin dengan sepenuhnya bahawa Dia lah Allah, Tuhanku, dan aku tidak sekutukan sesuatu pun dengan Tuhanku.

Dan sepatutnya semasa engkau masuk ke kebunmu, berkata: (Semuanya ialah barang yang dikehendaki Allah)! (tiada daya dan upaya melainkan dengan pertolongan Allah)? Kalau engkau memandangku sangat kurang tentang harta dan anak, berbanding denganmu,

Maka mudah-mudahan Tuhanku akan mengurniakan daku lebih baik daripada kebunmu, dan (aku bimbang) dia akan menimpakannya dengan bala, bencana dari langit, sehinggalah menjadilah kebunmu itu tanah yang licin tandus.

Ataupun air kebun itu akan menjadi kering ditelan bumi, maka dengan yang demikian, engkau tidak akan dapat mencarinya lagi".

Dan segala tanaman serta hartabendanya itupun dibinasakan, lalu jadilah ia membalik-balikkan kedua tapak tangannya (kerana menyesal) terhadap segala perbelanjaan yang telah dibelanjakannya pada kebun-kebunnya, sedang kebun-kebun itu runtuh junjung-junjung tanamannya; sambil dia berkata: "Alangkah baiknya kalau aku tidak sekutukan sesuatupun dengan Tuhanku!"

Dan ia tidak mendapat sebarang golongan yang boleh menolongnya, selain dari Allah; dan ia pula tidak dapat membela dirinya sendiri.

هُنَالِكَ ٱلْوَلَىيَةُ لِلَّهِ ٱلْحَقِّ هُوَ خَيْرٌ ثَوَابًا وَخَيْرٌ عُقْبًا ١

Pada saat yang sedemikian itu kekuasaan memberi pertolongan hanya tertentu bagi Allah, Tuhan yang sebenar-benarnya; Dia lah sebaik-baik pemberi pahala, dan sebaik-baik pemberi kesudahan yang berbahagia (kepada hamba-hambaNya yang taat).

وَٱضْرِبُ لَهُم مَّشَلَ ٱلْحَيَوْةِ ٱلدُّنْيَا كَمَآءٍ أَنزَلْنَهُ مِنَ ٱلسَّمَآءِ فَٱخْتَلَطَ بِهِ عَنَبَاتُ ٱلْأَرُضِ فَأَصْبَحَ هَشِيمًا تَذْرُوهُ ٱلرِّيَنِحُ ۗ وَكَانَ ٱللَّهُ عَلَىٰ كُلِّ

شَــىُءٍ مُّقُتَــدِرًا 🌚

Dan kemukakanlah kepada mereka misal perbandingan: Kehidupan dunia ini samalah seperti air yang Kami turunkan dari langit, lalu bercampur aduklah tanaman di bumi antara satu sama lain (dan kembang suburlah ia) disebabkan air itu; kemudian menjadilah ia kering hancur ditiup angin; dan (ingatlah) adalah Allah Maha Kuasa atas tiap-tiap sesuatu.

ٱلْمَالُ وَٱلْبَنُونَ زِينَةُ ٱلْحَيَوْةِ ٱلدُّنْيَأَّ وَٱلْبَنقِيَنتُ ٱلصَّلِحَنتُ خَيْرٌ عِندَ

رَبِّكَ ثَوَابًا وَخَيْرٌ أَمَلًا 🚭

Harta benda dan anak pinak itu, ialah perhiasan hidup di dunia; dan amal-amal soleh yang kekal faedahnya itu lebih baik pada sisi Tuhanmu sebagai pahala balasan, dan lebih baik sebagai asas yang memberi harapan.

وَيَــوُمَ نُسَـيِّرُ ٱلْجِبَـالَ وَتَــرَى ٱلْأَرُضَ بَــارِزَةً وَحَشَــرُنَـهُمُ فَلَــمُ نُغَــادِرُ مِنْهُــمُ أَحَــدًا

Dan (ingatkanlah) hari Kami bongkar dan terbangkan gunung-ganang dan engkau akan melihat (seluruh) muka bumi terdedah nyata; dan Kami himpunkan mereka (di padang Mahsyar) sehingga Kami tidak akan tinggalkan seorangpun dari mereka.

وَعُرِضُواْ عَلَىٰ رَبِّكَ صَفَّا لَّقَدُ جِئْتُمُونَا كَمَا خَلَقُنَاكُمُ أَوَّلَ مَرَّةٍ بِلُ زَعَمُتُمُ أَلَّن نَّجُعَلَ لَكُم مَّوْعِدًا ۞ Dan mereka tetap akan dibawa mengadap Tuhanmu dengan berbaris teratur, (sambil dikatakan kepada mereka): "Kamu sekarang telah datang kepada Kami - (berseorangan) sebagaimana Kami telah jadikan kamu pada mulanya; bahkan kamu dahulu menyangka, bahawa kami tidak akan menjadikan bagi kamu masa yang tertentu (untuk melaksanakan apa yang Kami telah janjikan)".

وَوُضِعَ ٱلْكِتَنبُ فَتَرَى ٱلْمُجُرِمِينَ مُشَفِقِينَ مِمَّا فِيهِ وَيَقُولُونَ يَنوَيلَتَنَا

مَالِ هَدنَا ٱلْكِتَنبِ لَا يُغَادِرُ صَغِيرَةً وَلَا كَبِيرَةً إِلَّا ٓ أَحُصَنهَاۚ وَوَجَدُواْ مَا

عَمِلُواْ حَاضِرًا ۗ وَلَا يَظُلِمُ رَبُّكَ أَحَدًا ٥

Dan "Kitab-kitab Amal" juga tetap akan dibentangkan, maka engkau akan melihat orang-orang yang berdosa itu, merasa takut akan apa yang tersurat di dalamnya; dan mereka akan berkata:" Aduhai celakanya kami, mengapa kitab ini demikian keadaannya? Ia tidak meninggalkan yang kecil atau yang besar, melainkan semua dihitungnya!" Dan mereka dapati segala yang mereka kerjakan itu sedia (tertulis di dalamnya); dan (ingatlah) Tuhanmu tidak berlaku zalim kepada seseorangpun.

وَإِذْ قُلُنَا لِلُمَلَايِكَةِ السَّجُدُواْ لِأَدَمَ فَسَجَدُواْ إِلاَّ إِبْلِيسَ كَانَ مِنْ الْجُدُواْ الْأَدَمَ فَسَجَدُواْ إِلاَّ إِبْلِيسَ كَانَ مِن الْجِيِّ فَفَسَقَ عَن أَمْرِ رَبِّهِ أَفَّ أَفْتَتَّخِذُونَهُ وَذُرِّيَّتَهُ وَ أَوْلِيَاءَ مِن دُونِي وَهُمَ لَكُمُ عَدُوُّ بِئُسَ لِلظَّلِمِينَ بَدَلًا
هُونِي وَهُمُ لَكُمُ عَدُوُّ بِئُسَ لِلظَّلِمِينَ بَدَلًا هَ

Dan (ingatkanlah peristiwa) ketika Kami berfirman kepada malaikat: "Sujudlah kamu kepada Adam"; lalu mereka sujud melainkan iblis; ia adalah berasal dari golongan jin, lalu ia menderhaka terhadap perintah Tuhannya. Oleh itu, patutkah kamu hendak menjadikan iblis dan keturunannya sebagai sahabat-sahabat karib yang menjadi pemimpin selain daripadaku? Sedang mereka itu ialah musuh bagi kamu. Amatlah buruknya bagi orang-orang yang zalim: pengganti yang mereka pilih itu.


مَّا أَشُهَدتُّهُمُ خَلُقَ ٱلسَّمَوَتِ وَٱلْأَرُضِ وَلَا خَلُقَ أَنفُسِهِمُ
 وَمَا كُنتُ مُتَّخِذَ ٱلْمُضِلِّينَ عَضُدًا

Aku tidak memanggil mereka menyaksi atau membantuKu menciptakan langit dan bumi, dan tidak juga meminta bantuan setengahnya untuk menciptakan setengahnya yang lain; dan tidak sepatutnya Aku mengambil makhluk-makhluk yang menyesatkan itu sebagai pembantu.

Dan (ingatkanlah) masa Allah berfirman: "Panggilah sekutu-sekutuKu yang kamu katakan itu (untuk menolong kamu); lalu mereka memanggilnya, tetapi sia-sia sahaja, kerana makhluk-makhluk itu tidak menyahut seruan mereka: dan kami jadikan untuk mereka bersama sebuah tempat azab yang membinasakan.



Dan orang-orang yang berdosa itu tetap akan melihat neraka, maka yakinlah mereka, bahawa mereka akan jatuh ke dalamnya dan mereka tidak akan mendapati sebarang jalan untuk mengelakkan diri daripadanya.



Dan demi sesungguhnya Kami telah huraikan dengan berbagai-bagai cara di dalam Al-Quran ini untuk umat manusia, dari segala jenis contoh bandingan; dan sememangnya manusia itu, sejenis makhluk yang banyak sekali bantahannya.

Dan tiada yang menghalang manusia daripada beriman, ketika datang petunjuk Al-Quran kepada mereka, dan daripada memohon ampun kepada Tuhan mereka, melainkan (kerana kedegilan mereka dan kerana mereka) menunggu didatangi azab yang memusnahkan yang telah menimpa orang-orang dahulu, atau di datangi azab yang dilihat dan dihadapi.

وَمَا نُرُسِلُ ٱلْمُرُسَلِينَ إِلَّا مُبَشِّرِينَ وَمُنذِرِينَ وَيُجَدِلُ ٱلَّذِينَ كَفَرُواْ بِٱلْبَعِلِلِ لِيُدُحِضُواْ بِهِ ٱلْحَقَّ وَٱتَّخَذُوۤاْ ءَايَعتِى وَمَاۤ أُنذِرُواْ

هُزُوًا 📵

Dan tidak Kami mengutus Rasul-rasul, melainkan sebagai pemberi berita gembira dan pemberi amaran; dan orang-orang yang kafir membantah dengan alasan yang salah untuk menghapuskan kebenaran dengan bantahan itu; dan mereka jadikan ayat-ayatku, dan amaran yang diberikan kepada mereka sebagai ejekejekan.

وَمَسنُ أَظُلَمُ مِمَّن ذُكِّرَ بِئَا يَنتِ رَبِّهِ عَنْهَا وَنَسِى مَا قَدَّمَتُ يَدَاهُ إِنَّا جَعَلُنَا عَلَىٰ قُلُوبِهِمُ أَكِنَّةً أَن يَفُقَهُوهُ وَفِي وَنَسِى مَا قَدَّمَتُ يَدَاهُ إِنَّا جَعَلُنَا عَلَىٰ قُلُوبِهِمُ أَكِنَّةً أَن يَفُقَهُوهُ وَفِي وَنَسِى مَا قَدَّمَتُ يَدَاهُ إِنَّا جَعَلُنَا عَلَىٰ قُلُوبِهِمُ أَكِنَّةً أَن يَفُقَهُوهُ وَفِي عَاذَانِهِمُ وَقُرَآ وَإِن تَدُعُهُمُ إِلَى ٱلْهُدَىٰ فَلَن يَهُتَدُوۤ ا إِذًا أَبَدًا ۗ

Dan tidaklah ada yang lebih zalim daripada orang yang diberi ingat dengan ayatayat Tuhannya, lalu ia berpaling daripadanya dan lupa akan apa yang telah dilakukan oleh kedua tangannya; sesungguhnya (disebabkan bawaan mereka yang buruk itu) Kami jadikan tutupan berlapis-lapis atas hati mereka, menghalang mereka daripada memahaminya, dan (Kami jadikan) pada telinga mereka penyumbat (yang menyebabkan mereka pekak). Dan jika engkau menyeru mereka kepada petunjuk, maka dengan keadaan yang demikian, mereka tidak sekali-kali akan beroleh hidayah petunjuk selama-lamanya.

وَرَبُّكَ ٱلْغَفُورُ ذُو ٱلرَّحُمَةِ لَو يُؤَاخِذُهُم بِمَا كَسَبُواْ لَعَجَّلَ لَهُمُ ٱلْعَذَابَ ۚ بَل لَّهُم مَّوْعِدٌ لَّن يَجِدُواْ مِن دُونِهِ عَمَّا لِلّا ۞

Dan Tuhanmu Maha Pengampun, lagi melimpah-limpah rahmatnya. Jika la mahu menyeksa mereka (di dunia) disebabkan apa yang mereka telah usahakan, tentulah la akan menyegerakan azab itu menimpa mereka; (tetapi la tidak berbuat demikian) bahkan ditentukan bagi mereka satu masa yang mereka tidak sekalikali akan dapat sebarang tempat perlindungan, yang lain daripadanya.

وَتِلُكَ ٱلْقُرِينَ أَهُلَكُننهُم لَمَّا ظَلَمُواْ وَجَعَلْنَا لِمَهْلِكِهِم مَّوْعِدًا ٢

Dan penduduk negeri-negeri (yang derhaka) itu Kami telah binasakan ketika

mereka melakukan kezaliman, dan Kami telah tetapkan satu masa yang tertentu bagi kebinasaan mereka.



Dan (ingatkanlah peristiwa) ketika Nabi Musa berkata kepada temannya: "Aku tidak akan berhenti berjalan sehingga aku sampai di tempat pertemuan dua laut itu atau aku berjalan terus bertahun-tahun".



Maka apabila mereka berdua sampai ke tempat pertemuan dua laut itu, lupalah mereka akan hal ikan mereka, lalu ikan itu menggelunsur menempuh jalannya di laut, yang merupakan lorong di bawah tanah.

Setelah mereka melampaui (tempat itu), berkatalah Nabi Musa kepada temannya: "Bawalah makan tengah hari kita sebenarnya kita telah mengalami penat lelah dalam perjalanan kita ini".

Temannya berkata: "Tahukah apa yang telah terjadi ketika kita berehat di batu besar itu? Sebenarnya aku lupakan hal ikan itu; dan tiadalah yang menyebabkan aku lupa daripada menyebutkan halnya kepadamu melainkan Syaitan; dan ikan itu telah menggelunsur menempuh jalannya di laut, dengan cara yang menakjubkan".

Nabi Musa berkata: "Itulah yang kita kehendaki "; merekapun balik semula ke situ, dengan menurut jejak mereka.

فَوَجَدَا عَبُدًا مِّنُ عِبَادِنَآ ءَاتَيئنه رَحُمَةً مِّنُ عِندِنَا وَعَلَّمُنه مِن لَّدُنَّا



Lalu mereka dapati seorang dari hamba-hamba Kami yang telah kami kurniakan kepadanya rahmat dari Kami, dan Kami telah mengajarnya sejenis ilmu; dari sisi Kami.


Nabi Musa berkata kepadanya: Bolehkah aku mengikutmu, dengan syarat engkau mengajarku dari apa yang telah diajarkan oleh Allah kepadamu, ilmu yang menjadi petunjuk bagiku?"

la menjawab: "Sesungguhnya engkau (wahai Musa), tidak sekali-kali akan dapat bersabar bersamaku.

Dan bagaimana engkau akan sabar terhadap perkara yang engkau tidak mengetahuinya secara meliputi?

Nabi Musa berkata: "Engkau akan dapati aku, Insyaa Allah: orang yang sabar; dan aku tidak akan membantah sebarang perintahmu".

la menjawab: "Sekiranya engkau mengikutku, maka janganlah engkau bertanya kepadaku akan sesuatupun sehingga aku ceritakan halnya kepadamu".



Lalu berjalanlah keduanya sehingga apabila mereka naik ke sebuah perahu, ia membocorkannya. Nabi Musa berkata: "Patutkah engkau membocorkannya se-

dang akibat perbuatan itu menenggelamkan penumpang-penumpangnya? Sesungguhnya engkau telah melakukan satu perkara yang besar".

Ia menjawab: "Bukankah aku telah katakan, bahawa engkau tidak sekali-kali akan dapat bersabar bersamaku?"

Nabi Musa berkata: "Janganlah engkau marah akan daku disebabkan aku lupa (akan syaratmu); dan janganlah engkau memberati daku dengan sebarang kesukaran dalam urusanku (menuntut ilmu)".

Kemudian keduanya berjalan lagi sehingga apabila mereka bertemu dengan seorang pemuda lalu ia membunuhnya. Nabi Musa berkata "Patutkah engkau membunuh satu jiwa yang bersih, yang tidak berdosa membunuh orang? Sesungguhnya engkau telah melakukan satu perbuatan yang mungkar!"



la menjawab: "Bukankah, aku telah katakan kepadamu, bahawa engkau tidak sekali-kali akan dapat bersabar bersamaku?"

Nabi Musa berkata: "Jika aku bertanya kepadamu tentang sebarang perkara sesudah ini, maka janganlah engkau jadikan daku sahabatmu lagi; sesungguhnya engkau telah cukup mendapat alasan-alasan berbuat demikian disebabkan pertanyaan-pertanyaan dan bantahanku".



Kemudian keduanya berjalan lagi, sehingga apabila mereka sampai kepada penduduk sebuah bandar, mereka meminta makan kepada orang-orang di situ, lalu orang-orang itu enggan menjamu mereka. Kemudian mereka dapati di situ sebuah tembok yang hendak runtuh, lalu ia membinanya. Nabi Musa berkata: "Jika engkau mahu, tentulah engkau berhak mengambil upah mengenainya!"

قَالَ هَدنَا فِرَاقُ بَيْنِى وَبَيْنِكَ ۚ سَأُنَبِّئُكَ بِتَأُويلِ مَا لَمُ تَسُتَطِع عَّلَيْهِ



la menjawab: "Inilah masanya perpisahan antaraku denganmu, aku akan terangkan kepadamu maksud (kejadian-kejadian yang dimusykilkan) yang engkau tidak dapat bersabar mengenainya.

أَمَّا ٱلسَّفِينَةُ فَكَانَتُ لِمَسَاكِينَ يَعُمَلُونَ فِي ٱلْبَحُرِ فَأَرَدتُ أَنَّ أَعِيبَهَا

Adapun perahu itu adalah ia dipunyai oleh orang-orang miskin yang bekerja di laut; oleh itu, aku bocorkan dengan tujuan hendak mencacatkannya, kerana di belakang mereka nanti ada seorang raja yang merampas tiap-tiap sebuah perahu yang tidak cacat.

وَ أُمَّا ٱلْغُلَدمُ فَكَانَ أَبَوَاهُ مُؤمِّنِينِ فَخَشِينَآ أَن يُرُهِقَهُمَا طُغُيَدنًا وَكُفُرًا



Adapun pemuda itu, kedua ibu bapanya adalah orang-orang yang beriman, maka kami bimbang bahawa ia akan mendesak mereka melakukan perbuatan yang zalim dan kufur.

فَأَرَدُنَآ أَن يُبُدِلَهُمَا رَبُّهُمَا خَيْرًا مِّنْهُ زَكَواٰةً وَأَقُرَبَ رُحُمًا 🚳

Oleh itu, kami ingin dan berharap, supaya Tuhan mereka gantikan bagi mereka


anak yang lebih baik daripadanya tentang kebersihan jiwa, dan lebih mesra kasih sayangnya.

وَأُمَّا ٱلُجِدَارُ فَكَانَ لِغُلَامَيُنِ يَتِيمَيُنِ فِى ٱلْمَدِينَةِ وَكَانَ تَحُتَهُ وَكَانَ تَحُتَهُ وَكَانَ أَبُوهُمَا صَلِحًا فَاَرَادَ رَبُّكَ أَن تَحُتَهُ وَكَانَ أَبُوهُمَا صَلِحًا فَاَرَادَ رَبُّكَ أَن يَبُلُغَا أَشُدَّهُمَا وَيَسْتَخُرِجَا كَنزَهُمَا رَحُمَةً مِّن رَّبِكَ وَمَا فَعَلْتُهُ وَعَنُ أَمُو كَنزَهُمَا رَحُمَةً مِّن رَّبِكَ وَمَا فَعَلْتُهُ وَعَنُ أَمُ رَى ذَلِكَ تَأُويلُ مَا لَمُ تَسُطِع عَلَيْهِ صَبْرًا

Adapun tembok itu pula, adalah ia dipunyai oleh dua orang anak yatim di bandar itu; dan di bawahnya ada "harta terpendam" kepunyaan mereka; dan bapa mereka pula adalah orang yang soleh. Maka Tuhanmu menghendaki supaya mereka cukup umur dan dapat mengeluarkan harta mereka yang terpendam itu, sebagai satu rahmat dari Tuhanmu (kepada mereka). Dan (ingatlah) aku tidak melakukannya menurut fikiranku sendiri. Demikianlah penjelasan tentang maksud dan tujuan perkara-perkara yang engkau tidak dapat bersabar mengenainya".

Dan mereka bertanya kepadamu (wahai Muhammad), mengenai Zulkarnain. Katakanlah: "Aku akan bacakan kepada kamu (wahyu dari Allah yang menerangkan) sedikit tentang perihalnya":

Sesungguhnya Kami telah memberikan kepadanya kekuasaan memerintah di bumi, dan Kami beri kepadanya jalan bagi menjayakan tiap-tiap sesuatu yang diperlukannya.



Lalu ia menurut jalan (yang menyampaikan maksudnya).

حَتَّنَى إِذَا بَلَغَ مَغُرِبَ ٱلشَّمْسِ وَجَدَهَا تَغُرُبُ فِي عَيْنٍ حَمِئَةٍ وَوَجَدَ عِندَهَا قَوُمًا فَي عَيْنٍ حَمِئَةٍ وَوَجَدَ عِندَهَا قَوُمًا فَلْنَا يَنذَا ٱلْقَرُنَيُن إِمَّا أَن تُعَذِّبَ وَإِمَّا أَن تَتَّخِذَ فِيهِمُ حُسُنًا ﴿

Sehingga apabila ia sampai ke daerah matahari terbenam, ia mendapatinya terbenam di sebuah matair yang hitam berlumpur, dan ia dapati di sisinya satu kaum (yang kufur ingkar). Kami berfirman (dengan mengilhamkan kepadanya): "Wahai


Zulkarnain! Pilihlah sama ada engkau hendak menyeksa mereka atau engkau bertindak secara baik terhadap mereka".

قَالَ أَمَّا مَن ظَلَمَ فَسَوُّفَ نُعَذِّبُهُ و ثُمَّ يُرَدُّ إِلَىٰ رَبِّهِ ع فَيُعَذِّبُهُ و عَذَابًا نُّكُرًا




la berkata: "Adapun orang yang melakukan kezaliman (kufur derhaka), maka kami akan menyeksanya; kemudian ia akan dikembalikan kepada Tuhannya, lalu diazabkannya dengan azab seksa yang seburuk-buruknya.

وَأُمَّا مَنْ ءَامَنَ وَعَمِلَ صَلِحًا فَلَهُ وجَزَآءً ٱلْحُسُنَيُّ وَسَنَقُولُ لَهُ و




Adapun orang yang beriman serta beramal soleh, maka baginya balasan yang sebaik-baiknya; dan kami akan perintahkan kepadanya perintah-perintah kami yang tidak memberati".



Kemudian ia berpatah balik menurut jalan yang lain.

Sehingga apabila ia sampai di daerah matahari terbit, ia mendapatinya terbit kepada suatu kaum yang kami tidak menjadikan bagi mereka sebarang perlindungan daripadanya.

Demikianlah halnya; dan sesungguhnya Kami mengetahui secara meliputi akan segala yang ada padanya.



kemudian ia berpatah balik menurut jalan yang lain.

حَتَّنْ إِذَا بَلَغَ بَيئنَ ٱلسَّدَّينِ وَجَدَ مِن دُونِهِمَا قَوْمًا لَّا يَكَادُونَ يَفْقَهُونَ

قَوُلًا 🐨

Sehingga apabila ia sampai di antara dua gunung, ia dapati di sisinya satu kaum yang hampir-hampir mereka tidak dapat memahami perkataan.

Mereka berkata: "wahai Zulkarnain, sesungguhnya kaum Yakjuj dan Makjuj sentiasa melakukan kerosakan di bumi; oleh itu, setujukah kiranya kami menentukan sejumlah bayaran kepadamu (dari hasil pendapatan kami) dengan syarat engkau membina sebuah tembok di antara kami dengan mereka?"

رَدُمًا 🌚

Dia menjawab: "(kekuasaan dan kekayaan) yang Tuhanku jadikan daku menguasainya, lebih baik (dari bayaran kamu); oleh itu bantulah daku dengan tenaga (kamu beramai-ramai) aku akan bina antara kamu dengan mereka sebuah tembok penutup yang kukuh.

Bawalah kepadaku ketul-ketul besi"; sehingga apabila ia terkumpul separas tingginya menutup lapangan antara dua gunung itu, dia pun perintahkan mereka membakarnya dengan berkata: "Tiuplah dengan alat-alat kamu" sehingga apabila ia menjadikannya merah menyala seperti api, berkatalah dia: "Bawalah tembaga cair supaya aku tuangkan atasnya".

Maka mereka tidak dapat memanjat tembok itu, dan mereka juga tidak dapat menebuknya.

قَـالَ هَــذَا رَحُمَـةٌ مِّـن رَّبِّـيٌّ فَـإِذَا جَـآءَ وَعُـدُ رَبِّـى جَعَلَـهُ ۗ دَكَّآءً ۗ

(Setelah itu) berkatalah Zulkarnain: "Ini ialah suatu rahmat dari Tuhanku; dalam pada itu, apabila sampai janji Tuhanku, Dia akan menjadikan tembok itu hancur lebur, dan adalah janji Tuhanku itu benar".

جَمُعًا 🐠

Dan Kami biarkan mereka pada hari itu (keluar beramai-ramai) bercampur-baur antara satu dengan yang lain; dan (kemudiannya) akan ditiup sangkakala, lalu Kami himpunkan makhluk-makhluk seluruhnya di Padang Mahsyar.

Dan Kami perlihatkan neraka Jahannam, pada hari itu kepada orang-orang kafir, dengan pendedahan yang jelas nyata;

111

(laitu) orang-orang yang matanya telah tertutup daripada melihat tanda-tanda yang membawa kepada mengingatiKu, dan mereka pula tidak dapat mendengar sama sekali.

Maka adakah orang-orang kafir menyangka bahawa mereka mengambil hambahambaKu sebagai makhluk-makhluk yang disembah, selain daripadaKu, dapat menolong mereka? Sesungguhnya Kami telah sediakan neraka Jahannam bagi orang-orang kafir itu sebagai tempat tetamu.

Katakanlah (wahai Muhammad): "Mahukah Kami khabarkan kepada kamu akan

orang-orang yang paling rugi amal-amal perbuatannya?

ٱلَّــذِينَ ضَــلَّ سَعِيُّهُمُ فِــى ٱللَّحَــيَوْةِ ٱلدُّنيَّا وَهُــمُ يَحُسَبُونَ

(laitu) orang-orang yang telah sia-sia amal usahanya dalam kehidupan dunia ini, sedang mereka menyangka bahawa mereka sentiasa betul dan baik pada apa sahaja yang mereka lakukan".

Merekalah orang-orang yang kufur ingkar akan ayat-ayat Tuhan mereka dan akan pertemuan denganNya; oleh itu gugurlah amal-amal mereka; maka akibatya Kami tidak akan memberi sebarang timbangan untuk menilai amal mereka, pada hari kiamat kelak.

(Mereka yang bersifat) demikian, balasannya neraka Jahannam, disebabkan mereka kufur ingkar, dan mereka pula menjadikan ayat-ayatKu dan RasulrasulKu sebagai ejek-ejekan.



Sesungguhnya orang-orang yang beriman dan beramal soleh, disediakan bagi mereka Syurga-syurga Firdaus, sebagai tempat tetamu (yang serba mewah).

Mereka kekal di dalamnya, (dan) tidak ingin berpindah daripadanya.

Katakanlah (wahai Muhammad): "Kalaulah semua jenis lautan menjadi tinta untuk menulis Kalimah-kalimah Tuhanku, sudah tentu akan habis kering lautan itu sebelum habis Kalimah-kalimah Tuhanku, walaupun Kami tambahi lagi dengan lautan

yang sebanding dengannya, sebagai bantuan".

قُلُ إِنَّمَآ أَنَاْ بَشَرٌ مِّثُلُكُمُ يُوحَىٰٓ إِلَىَّ أَنَّمَاۤ إِلَىهُكُمُ إِلَىهُ وَحِدُّ فَمَن كَانَ يَرْجُواْ لِقَآءَ رَبّهِ ۦ فَلُيَعُمَلُ عَمَلًا صَلِحًا وَلَا يُشُرِكُ بِعِبَادَةِ رَبّهِ ۦ أَحَدًا



Katakanlah (wahai Muhammad): "Sesungguhnya aku hanyalah seorang manusia seperti kamu, diwahyukan kepadaku bahawa Tuhan kamu hanyalah Tuhan Yang Satu; Oleh itu, sesiapa yang percaya dan berharap akan pertemuan dengan Tuhannya, hendaklah ia mengerjakan amal yang soleh dan janganlah ia mempersekutukan sesiapapun dalam ibadatnya kepada Tuhannya".